

Vulais Vus emprender, leger u emprestar medias da la partiziun a liber access en la biblioteca avant u suenter ils temps servids? Cun l'Open Library è quai pussaivel, da glindesdi fin dumengia, da las 07.00 fin las 22.00.

Uras d'avertura servidas

| | |
|--------|-------------|
| gli-ve | 09.00–17.30 |
| so | 09.00–16.00 |

Open Library

| | |
|--------|-------------|
| gli-du | 07.00–22.00 |
|--------|-------------|

Access

Premissas per l'utilisaziun

Tut las personas che possedan ina carta da biblioteca valaivla da la Biblioteca chantunala dal Grischun pon utilizar l'Open Library. La carta da biblioteca è persunala e betg transferibla.

Proceder

Cun Vossa carta da biblioteca survegnis Vus access a la Biblioteca chantunala dal Grischun ordaifer ils temps servids. Tegnai Vossa carta da biblioteca per quest intent a l'apparat per leger tar l'entrada principala.



Servetschs

Servetschs disponibels

En l'Open Library pudais Vus utilizar las suandantas purschidas:

- plazzas da lavur e sala da lectura
- copiader
- automat da café
- computers da catalog e computers d'internet
- emprest e restituziun

Medias emprestablas da la partiziun a liber access u dal regal da retratga pudais Vus emprestar a l'emprest autonom en il plaunterren.

Medias emprestablas dal magazin che Vus avais empustà durant ils temps servids, stattan a Vossa disposiziun en il regal da retratga. Vus pudais medemamain cudeschar questas medias a l'emprest autonom.

Per la restituziun da las medias stat a disposiziun ina chascha da restituziun dadora sper l'entrada principala da la biblioteca.

Taxas pon vegnir pajadas senza daner contant a l'emprest autonom.

Servetschs betg disponibels

Per infurmaziuns bibliotecaras, support en cas da problems technics, inscripziuns novas u empustaziuns da magasins stain nus a disposiziun per Vus durant ils temps servids.

Medias che pon mo vegnir consultadas en la sala da lectura, As stattan a disposiziun durant las uras d'avertura servidas.

Empustaziuns da l'emprest a distanza e reproducziuns na pon betg vegnir retratgas.

Dumondas frequentas

Access n'è betg pussaivel?

L'access è mo pussaivel cun la carta da biblioteca uffiziala da la Biblioteca chantunala dal Grischun.

Sche Voss abunament da biblioteca è scadì, na pudais Vus betg utilizar l'Open Library. As annunziat per plaschair durant las uras d'avertura servidas tar il persunal da biblioteca.

Signal d'alarm durant bandunar la biblioteca?

Sch'i resuna durant bandunar la biblioteca in signal d'alarm, controllai per plaschair a l'emprest autonom, sche Vus avais cudeschè tut las medias.

Sche tut las medias èn emprestadas, na resuna nagin signal d'alarm.

Infurmaziuns impurtantas


Durant l'Open Library vegnan ils locals da la Biblioteca chantunala dal Grischun sutmess ad ina videosurvegianza per motivs da segirezza. Cun utilizar l'Open Library acceptais Vus quai. Las registraziuns dastgan mo vegnir consultadas en il cas da donn (donns materials e da persunas). Ellas vegnan stizzadas suenter 7 dis.

A las 22.00 finescha l'Open Library e la Biblioteca chantunala dal Grischun sto vegnir bandunada. In servetsch da segirezza fa ina controlla.

Vandalissem u auters donns vegnan denunziads.

Ulteriuras infurmaziuns chattais Vus en l'urden d'utilisaziun e da chasa da la Biblioteca chantunala dal Grischun.

Open Library



Biblioteca chantunala dal Grischun

Karlihofplatz
7001 Cuir

081 257 28 28
www.kbg.gr.ch
info@kbg.gr.ch



Amt für Kultur
Uffizi da cultura
Ufficio della cultura



bibliotheken graubünden **Kantonsbibliothek**
bibliotecas grischun **Biblioteca chantunala**
biblioteche grigioni **Biblioteca cantonale**